



Broj: 22-04-44-1-301/18  
Sarajevo, 29.10.2018. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i članom 24. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 8/07) dostavljamo Vam:

**REDOVNI IZVJEŠTAJ**  
**za period od 07:00 sati 26.10.2018. do 07:00 sati 29.10.2018. godine**

U izvještajnom periodu Kantonalni operativni centar civilne zaštite primio je dvije informacije o pronalasku NUS-a i to:

- dana, 26.10.2018. godine u 12:20 sati, od Službe civilne zaštite općine Hadžići, da je u naselju Hadžići, pronađena jedna tromblonska mina,
- dana, 27.10.2018. godine u 14:36 sati od Policijske stanice Stari Grad, da je na lokalitetu Pašino Brdo (Barice), pronađena jedna minobacačka mina.

O primljenim informacijama obaviješteni su pripadnici Tima za UES Federalne uprave civilne zaštite, koji su navedena neeksplozirana ubojna sredstva preuzeli isti dan po dojavi.

Kantonalni operativni centar civilne zaštite je dana, 27.10.2018. godine u 16:18 sati primio informaciju od Gorske službe spašavanja stanice Kantonalne uprave civilne zaštite Kantona Sarajevo, da su primili poziv za pomoć od jedne muške osobe koja je na lokalitetu ispod Djevojačkih stijena na Romaniji, prilikom planinarenja pala sa stijene i povrijedila ruku i nije u stanju da se samostalno kreće. Dežurni u Kantonalnom operativnom centru civilne zaštite odmah je obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja. Po nalogu direktora Kantonalne uprave civilne zaštite Kantona Sarajevo, u skladu sa



propisanim procedurama angažovana je Gorska služba spašavanja Kantonalne uprave civilne zaštite Kantona Sarajevo, čije su dvije ekipe u veoma kratkom roku stigli na mjesto nesreće na Romaniju, lokalitet Djevojačke stijene. Pripadnici Gorske službe spašavanja Kantonalne uprave civile zaštite Kantona Sarajevo su u 19:35 sati stigli do unesrećenog planinara gdje je odmah pregledan od strane doktora Gorske službe spašavanja koji je ustanovio da unesrećeni ima blagu dehidraciju, povrijeđenu lijevu ruku i lijevu nogu, nije životno ugrožen. U 21:35 sati akcija je uspješno završena, a unesrećeni je predat sanitetu. U akciji je učestvovalo 14 spasioca Gorske službe spašavanja Kantonalne uprave civilne zaštite kao i dva člana sekcije Gorske službe spašavanja Hadžići, a u ispomoc su na teren izašle i kolege iz GSS "Jahorina", te sanitet doma zdravlja Pale.

### **Profesionalna vatrogasna jedinica Kantonalne uprave civilne zaštite Kantona Sarajevo:**

U izvještajnom periodu pripadnici Profesionalne vatrogasne jedinice imali su dvije veće i 24 manje intervencije.

Veće intervencije:

- Dana, 27.10.2018. godine u 09:27 sati u ul. Porodice Ribar br. 41, Općina Novo Sarajevo, gdje je došlo do požara u stanu stambene zgrade. Požar je lokalizovan u 09:47 sati, a likvidiran u 10:55 sati. U gašenju požara učestvovalo je šest vatrogasaca sa dva vatrogasna vozila. Pčinjena materijalna šteta, povrijeđenih lica nije bilo.

- Dana, 27.10.2018. godine u 19:20 sati na lokalitetu Solakovići-Korita, Općina Ilijaš, gdje je gorjelo nisko rastinje i šuma. U gašenju požara učestvovalo je 24 vatrogasaca sa pet vatrogasnih vozila. Radilo se o miniranom području, te je bilo otežano gašenje požara.

Manje intervencije su bile slijedeće: 11 intervencija na gašenju niskog rastinja, jedna intervencija na gašenju pomoćnog objekta, jedna intervenciju na gašenju smeća u kontejneru, jedna intervenciju na gašenju krova na pomoćnom objektu, jedno spaljivanje dimnjaka, jedna intervencija na gašenju trafo-stanice, jedna intervencija na gašenju picerije (Bosfor), jedna intervencija na gašenju dimnjaka, jedna tehnička intervencija (asistencija policiji na uviđaju) i pet obezbjeđenja (pretakanje goriva na Međunarodnom aerodromu Sarajevo, javnog zabavnog skupa, kulturni događaj i dvije utakmice).

NAPOMENA: U protekla 24 sata pripadnici Profesionalne vatrogasne jedinice imali su pet manjih intervencija i to: jednu intervenciju na gašenju niskog rastinja, jednu intervenciju na gašenju pomoćnog objekta, jedno spaljivanje dimnjaka i dva obezbjeđenja (pretakanje goriva na Međunarodnom aerodromu Sarajevo i utakmica).

**Iz općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobijene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**Elektrodistribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.



**Federalni hidrometeorološki zavod:** Jutros u 07:00 sati temperatura u Sarajevu na mjernoj stanici Bjelave je iznosila 19°C, vlažnost zraka 57%, barometarski pritisak 940 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski, željeznički i zračni saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>  
e-mail: [oc@kucz.ks.gov.ba](mailto:oc@kucz.ks.gov.ba)  
Tel: + 387 (0) 33 121, 556-670  
Fax: + 387 (0) 33 556-671  
Sarajevo, Reisa Džemaludina Čauševića 1